

p. 20 line 2【**蘧庵**】【**大佑**】（1334～1407）明代天台宗僧。姑蘇吳縣（江蘇）人。字啟宗。號蘧庵。著有《淨土指歸集》二卷、《**阿彌陀經略解**》、《**金剛經略解**》。天台山幽溪高明寺傳燈大師：撰《阿彌陀經略解圓中鈔》二卷，詮釋《阿彌陀經略解》。又撰《**淨土生無生論**》，融會天台宗三觀之旨，闡揚淨土法門。～《佛光大辭典》

p. 21 line -4【**香象**】【**法藏**】華嚴宗第三祖。字賢首，號國一法師。又稱香象大師、康藏國師。～《佛光大辭典》《般若波羅蜜多心經略疏》卷1：「第三宗趣者。語之所表曰宗。宗之所歸曰趣。」(T33, p. 552, b11-12)

p. 21 line -2【**無量壽經宗趣**】以「發菩提心，一向專念」為宗，以「圓生四土，逕登不退」為趣。

1. 元曉《兩卷無量壽經宗要》卷1：「此經正以淨土因果為其宗體。攝物往生以為意致。」(T37, p. 125, c28-29)
2. 吉藏《無量壽經義疏》卷1：「此經宗致凡有二例：一者法藏修因感淨土果。二者勸物修因往生彼土。」(T37, p. 116, c18-19)
3. 蓮池《阿彌陀經疏鈔》卷1：「此經宗乎法性。於法性中。復分總別。總而合之。謂是依正清淨。信願往生。以為宗趣。」(X22, p. 617, c19-20)
4. 智圓《阿彌陀經疏》卷1：「以信願淨業為宗」(T37, p. 352, b4-5)
5. 傳燈《圓中鈔》卷1：「以信願淨業為一經宗要。」(X22, p. 561, b11)
6. 蕩益《阿彌陀經要解》卷1：「此經以信願持名為修行之宗要。非信不足以啟願。非願不足以導行。非持名妙行不足以滿其所願而證所信。」(T37, p. 364, b17-20)
7. 善導《觀無量壽佛經疏》卷1：「今此《觀經》即以觀佛三昧為宗，亦以念佛三昧為宗。一心迴願往生淨土為體。」(T37, p. 247, a18-20)
8. 曇鸞《無量壽經優婆塞舍願生偈註》卷1：「說無量壽佛莊嚴功德。即以佛名號為經體。」(T40, p. 826, b13-14)

p. 24 line 1～9【**三種離相違、順菩提門**】參考 p. 498～499。此三種心清淨增進，成就「妙樂勝真心」。妙即好，此樂緣佛生故。勝，勝出三界樂。真，不虛偽、不顛倒。→無上菩提心

	遠離相違	得隨順	菩提心	含義
智慧門	貪著自身我執	無染清淨心	直心	與真如自性相應
慈悲門	無安眾生心	安清淨心	大悲心	拔眾生苦

方便門	恭敬供養自身心	樂清淨心	深心	令眾生得大菩提
-----	---------	------	----	---------

若不令一切眾生得畢竟常樂者，則違菩提門。菩提是畢竟常樂處，欲令一切眾生得大菩提，故攝取眾生生彼國土；令一心專至，願生彼國，欲使早會無上菩提也。此畢竟常樂依何而得？要依大義門。大義門者，謂彼安樂國土是也。

【大義門】大義也就是大乘，謂淨土為通大乘義利之門戶也。阿彌陀佛四十八願，願願都是大乘義利門。《往生論》之「十六莊嚴大義門功德成就」，偈言：「大乘善根界，等無譏嫌名，女人及根缺，二乘種不生。」極樂世界是大乘之大乘；若人得生安樂者，是則成就大乘之門也。極樂國土皆是大乘一味，平等一味，根敗種子，畢竟不生。第十九、廿願：十方眾生，聞名發心，一心念我，即生我剎，作阿惟越致菩薩。

p. 25 line -2【華嚴經】《大方廣佛華嚴經》卷 58〈38 離世間品〉：「菩薩摩訶薩有十種魔業。何等為十？所謂：忘失菩提心，修諸善根，是為魔業；惡心布施，瞋心持戒，捨惡性人，遠懈怠者，輕慢亂意，譏嫌惡慧，是為魔業；於甚深法心生慳吝，有堪化者而不為說，若得財利恭敬供養，雖非法器而強為說，是為魔業…」(T10, p. 307, c17-22)

p. 25 line -1~p. 26 line 10【本經之宗】發菩提心，一向專念。

- 1.元曉《兩卷無量壽經宗要》：發無上菩提之心是明正因。專念彼佛。修善。此觀及行為助滿業。」(T37, p. 128, b17-19)
- 2.善導、靈芝：持名為正行，發心為助行。
- 3.蓮池《阿彌陀經疏鈔》卷 3：「還以持名為正行。復以持名為發菩提心。則雙取兩家。而和會其義也。」(X22, p. 657, b19-20)
- 4.蕩益《彌陀要解》：以信願持名為宗。深信彌陀願力、深信名號功德及深信吾人心性本不可思議，具此深信方能發於大願。深信發願，即無上菩提。合此信願，的為淨土指南，由此而執持名號，乃為正行。

p. 26 line 1【持名為發菩提心】《阿彌陀經疏鈔》卷 3：「以具智論五菩提心故：一。發心菩提。謂於無量生死中發大菩提心也。而持名。正於凡夫生死心中。起大覺故。二。伏心菩提。謂斷諸煩惱。降伏其心也。而持名。則正念纔彰。煩惱自滅故。三。明心菩提。謂了達諸法實相也。而持名。正即此一心。明了一切諸法實相故。四。出到菩提。謂得無生忍。出三界。到薩

婆若也。而持名。即得一二三忍。捷超生死。趨一切智故。五。無上菩提。謂坐道場成最正覺也。而持名。則得不退轉地。直至成佛故。」(X22, p. 657, c3-12)

p. 27 line 6【每日行十念法】遵式〈往生淨土懺願儀〉：「十念門者 每晨服飾已。面西正立。合掌連聲稱阿彌陀佛。盡一氣為一念。如是十氣為十念。隨氣長短不限佛數。氣極為度。聲不高低不緩急。調停得中。十氣連屬。令心不散。專精為功。名十念者。是藉氣束心也。作此念已。發願迴向云：我弟子(某甲)一心歸命極樂世界阿彌陀佛。願以淨光照我。慈誓攝我。我今正念稱如來名。經十念頃。為菩提道。求生淨土。佛昔本誓。若有眾生欲生我國。至心信樂乃至十念。若不生者。不取正覺。唯除五逆。誹謗正法。我今自憶。此生已來不造逆罪。不謗大乘。願此十念得入如來大誓海中。乘佛慈力。眾罪消滅。淨因增長。若臨欲命終。自知時至。身不病苦。心無貪戀。心不倒散。如入禪定。佛及聖眾。手執金臺來迎接我。如一念頃生極樂國。華開見佛。即聞佛乘頓開佛慧。廣度眾生滿菩提願。(作已便止。不必拜。要盡此生不得一日暫廢。唯將不廢。自要其心。得生彼國)。」(X61, p. 667, c5-20)

p. 29 line 4【凡聖同居土】湛然《維摩經略疏》卷1〈佛國品1〉：「凡居二者：一惡眾生。即四惡趣也。二善眾生：即人天也。聖居二者：一實，二權。實聖者，四果及支佛、通教六地、別十住、圓十信後心。通惑雖斷，報身猶在。二權聖者，方便有餘三乘人。受偏真法性身，為利有緣，願生同居。若實報及寂光法身大士及妙覺佛，為利有緣，應生同居，皆是權也。是等聖人與凡共住，故云凡聖同居。四惡趣共住，故云穢土。」(T38, p. 564, b8-16)

p. 31 line 2【方便有餘土】即阿羅漢、辟支佛及地前菩薩所居之土。以彼等所修為方便道(空假二觀)，斷盡通惑(見、思惑)，故稱方便；然彼等雖出三界分段生死，但尚未斷滅無明惑，更於界外受變易身，故稱有餘。指藏教二乘、通教三乘、別教三十心等人所生之土。~《佛光大辭典》、《中華佛教百科全書》若以凡夫念佛而論，能達事一心，雖不求斷惑，而見思煩惱自然斷落，則從此界之同居穢土，橫生極樂方便有餘淨土。

p. 31 line 4【見思煩惱自然斷落】何故於事一心(事持)中，不求斷惑而見思自然斷落(任運斷)？語出《天台四教儀》卷1：「圓人本期不斷見思、塵沙。意在入住、斷無明見佛性。然譬如冶鐵。麤垢先去。非本所期。意在成器。器未成時。自然先落。雖見先去。其人無一念欣心。所以者何？未遂

所期故。圓教行人亦復如是。雖非本所望。自然先落。」(T46, p. 779, b21-25)  
《四教儀註彙補輔宏記》卷9：「【註】從初已來。三諦圓修。與次第義永  
不相關。此論麤惑任運斷處。與次第齊。…但是圓修。麤惑先斷。猶如冶鐵。  
麤垢先除。【記】此明圓人惑障。雖有任運先斷。非彼本心也。何者？志在  
入住。圓破無明。頓見佛性也。…意謂雖非本心。則任運而有先斷也。」  
(X57, p. 938, a13-23)故知念佛行者，若明圓義（自他不二、心佛不二），原本  
期望成就阿彌陀佛之無量光壽，故能潛通佛智，暗合道妙，於事一心念佛中，  
明自心佛性，本無貪瞋等見思惑，雖不著力專斷貪瞋，見思任運斷落而成就  
「事一心不亂」境地，而得以往生「方便土」矣！

p. 31 line 7【定門攝，未有慧】《阿彌陀經疏鈔》卷3：「事一心者。如前  
憶念。念念相續。無有二念。信力成就。名事一心。屬定門攝。未有慧故。  
【鈔】前執持中。以憶念、體究。略分二種。憶念者。聞佛名號。常憶常念。  
以心緣歷。字字分明。前句後句。相續不斷。行住坐臥。唯此一念。無第二  
念。不為貪瞋煩惱諸念之所雜亂。如《成具光明定意經》。所謂空閒寂寞而  
一其心。在眾煩惱而一其心。乃至褒訕利失。善惡等處。皆一其心者。是也。  
事上即得。理上未徹。惟得信力。未見道故。名事一心也。言定者。以伏妄  
故。無慧者。以未能破妄故。」(X22, p. 661, b20-c6)未破妄想、未破無明惑，  
故云「未有慧」。若無空性智慧，如何破見思惑、證事一心不亂？故知：此  
乃以能破「法我執」之法空智慧為標準。如《演義》卷3云：「定有世、出  
世與大小乘及事、理諸禪定不同。而要之定者無散之謂。今念念相續。無有  
二念。則心不散亂故屬定攝。然彼體究無間。至如靜夜鐘聲。澄潭月影。若  
未得冷灰豆爆。因聲一聲。亦屬定攝。亦即是事一心。而疏鈔專以事一屬憶  
念。亦一往言耳。」(X22, p. 771, c18-23)

p. 31 line -1【實報莊嚴土】《阿彌陀經疏鈔》卷2：「行真實法。感殊勝  
報。七寶莊嚴。具淨妙五塵故。亦云無障礙土。以色心不二。毛孔相容故。  
是法身大士所居。」(X22, p. 634, a16-18)因中修中觀、一心三觀，觀中道實相，  
發真無漏，感七寶莊嚴、淨妙五塵之殊勝果報；受法性身，身土不二；一即  
一切，依正無礙、依正交徹、依正互現。毛孔中現全佛身及剎，塵中現佛身  
及剎。《楞嚴經》云：一為無量、無量為一，小中現大、大中現小，不動道  
場遍十方界，身含十方無盡虛空，於一毛端現寶王剎，坐微塵裏轉大法輪。  
《華嚴》云：普賢身中佛佛無盡，佛毛孔內菩薩重重。因果融攝無礙。